

Aruba Aloe tin un maneho “berde” y sostenibel amplio

ORANJESTAD- E conferencia Green Aruba ta un recordatorio cu “going green” ta mas importante cu nunca antes. Den transcurso di añanan, Aruba Aloe a un na e trayectorio “green” pa contribui na un isla mas sostenibel. E compania tin como objetivo pa scoge pa opcionnan sostenibel den tur area di su negoshi, for di e veldnan te na e plankinan di su tiendanan.

Den e veldnan cu ta rondona su fabrica na Hato, Aruba Aloe no ta uza fertilisante kimico y e cosecha ta wordo haci na man. E compania actualmente ta instalando un sistema di “drip irrigation” den su veldnan pa asina reduci e uzo di awa.

E compania ta haci tur es-

fuerzo pa uza ingredientenan cu ta basa riba mata y ta bin di companianan responsabel, esaki a inclui extraccionan di yerba, azetanan esencial organico, y naturalmente, aloe vera cu ta wordo cultiva na un manera na e forma clasico y tradicional.

Den e di dos mita di 2014, Aruba Aloe a stop di uza paraben den tur su productonan, y na december 2014, el a lansa cu hopi orguyo un coleccion di producto pa cuida di cabey cu no ta contene “sulfate”.

Ademas, e compania nunca a test su productonan riba bestia.

Na 2011, e compania a cuminsa uza boternan di plastic



cu ta di e tipo recicla 100% “post-consumer” pa su productonan pa solo, cabey y cuida di curpa. Mita di su saconan pa regalo ta traha di fibra di coco y e compania

ta traha cu artistanan Thai-landes pa crea e caha pa regalo cu ta “eco-friendly” y socialmente responsabel. Su saconan y materialnan pa paketa cu ta wordo uza den

tienda ta traha di papel recicla.

Pa e tiendanan mas nobo di Aruba Aloe, e compania a traha cu e compania di diseño local Rustica Design pa traha mueblenan for di palo di palet cu a wordo “upcycled” y otro materialnan recicla.

Na su oficinanan, e compania ta uza papel recicla pa hopi di su flyernan y business cards.

Aruba Aloe ta sigui busca otro opcion y oportunidadnan pa ta mas sostenibel den tur area. E afan pa desaroya

y mehora nan mes ta precisamente pakico e compania a sobrevivi y crece como negoshi na Aruba pa e ultimo 125 añanan. □